



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1709. usque ad annum 1714

**Fleury, Claude**

**August. Vind. [u.a.], 1782**

**VD18 90119266**

§. 52. Marchio de Prié Caroli Cæsaris Legatus Romæ ingenti pompa exceptus.

---

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVII. Præter hos autem obiire alii Prin-  
 A. C. 1714 cipes, & quidem die decima Octobris  
 Antonius Güntherus Anhaltino - Ser-  
 vestanus Princeps, & die vigesima nona  
 ejusdem Mensis Petrus Lusitanus Regius  
 Princeps ac denique secunda Junii Fri-  
 dericus Erdman Christiani Ducis Mer-  
 seburgensis Administratoris Filius.

## §. LII.

*Marchio de Prié Caroli Cæsaris Le-  
 gatus Romæ ingenti pompa  
 exceptus.*

Orat. Con- Cum Carolus VI. Imperator se sem-  
 sist. Cle. XI. per obedientissimum Romanæ Ec-  
 pag. 102. clesix Filium strenuumque ejusdem  
 Advocatum ac defensorem exhibere  
 studeret, hinc etiam hoc anno Mar-  
 chionem de Prié tanquam *obedientix Le-  
 gatum* Romam decernebat, ut summum  
 Pontificem de constanti filialis suæ erga  
 eundem Sedemque Apostolicam obser-  
 vantix studio certiolem redderet, si-  
 mulque enixe, reverenterque ab eodem  
 peteret, ut quicquid ejus Prædecessores  
 in rei imperialis, & Austriacæ com-  
 modum atque incrementum quovis  
 modo contulerant, ac deinceps confe-  
 renda forent, id omne Pontifex quo-  
 que S. Cæs. Majestati, Augustæque  
 Domui Austriacæ liberaliter imperitari  
 velit.

velit. Quamprimum igitur hic Orator Sæc. XVIII. A. C. 1714.  
 specialiter Deputatus Romam venerat,                       
 mox pro expediendo hujus Legationis  
 negotio Pontifex ad diem decimam sex-  
 tam Februarii solemne alloquium de-  
 crevit, in quo præfatus Orator præ-  
 sentibus sex Cardinalibus scilicet de  
 Abdua, Sacripante, Paulutio, Impe-  
 riali, Columna & Albano summi Pon-  
 tificis pedes summa cum reverentia de-  
 osculatus, ac genuflexus Caroli Cæsa-  
 ris literas Clementi Papæ exhibuit,  
 quarum tenor erat.

*Beatissime in Christo Pater,  
 Domine Reverendissime.*

„Post officiosissimam commendatio-  
 „nem filialis observantiæ continuum in-  
 „crementum. Injungimus nostro apud  
 „sanctitatem vestram Oratori illustri,  
 „& Magnifico, sacrique Imperii fideli,  
 „dilecto Herculi Josepho Ludovico Tu-  
 „rinetti Marchioni de Prié, ut sanctitati  
 „vestræ tum obitum Augustissimi Ro-  
 „manorum Imperatoris Josephi Fratris  
 „nostri charissimi, tum suscepta a No-  
 „bis fuisse Imperii gubernacula ea, qua  
 „par est, animi devotione significet, &  
 „sanctæ Sedi Apostolicæ morem Majo-  
 „rum nostrorum omnem illam obser-  
 „vantiam, & filialis amoris affectum  
*Hist. Eccles. Tom. LXVIII. Yy „te*

Sæc. XVIII. „testetur, qui observantissimum sanctæ  
A. C. 1714. „Ecclesiæ filium Imperatorem vere Chri-  
 „stianum, atque Catholicum decet, ea  
 „firma, ac filiali spe freti, quam Nobis  
 „sinceræ piæque mentis tribuit fiducia,  
 „fore, ut id officii sanctitati vestræ tam  
 „gratum, acceptumque accidat, quam  
 „nos integre, devoteque intendimus,  
 „ea omnia facere, & præstare, quæ  
 „ad Majorem divini Numinis gloriam,  
 „sanctæque Romanæ Ecclesiæ incre-  
 „mentum, necnon Sanctitatis Vestræ  
 „solatium facere, & spectare possunt.  
 „De quibus omnibus cum dictus Ora-  
 „tor noster explicabit pluribus mentem  
 „nostram, reverenter postulamus ab  
 „eadem Sanctitate vestra, ut plenam  
 „ipsi fidem adhibeat, simulque, ut si-  
 „dimus, solitos Pontificiæ benevolen-  
 „tiæ fructus Nobis impertiatur. Eidem  
 „de cætero vitam a Deo beatam, ac  
 „diuturnam ad Majus Ecclesiæ sanctæ  
 „Decus ex animo precamur. Datum  
 „in Urbe nostra Viennæ die decima  
 „millesimo septingentesimo duodecimo  
 „Regnorum Nostrorum, Romani pri-  
 „mo, Hispaniarum decimo, Hungar-  
 „rici, & Bohemici vero secundo.”

*Sanctitatis Vestræ.*

*Obsequens Filius CAROLUS*

Hæc

H. literæ ita erant inscriptæ : *Sæc. XVIII.*  
*Beatissimo in Christo Patri Domino Cle-* *A. C. 1714.*  
*menti XI. Divina Providentia sanctæ Ro-*  
*manæ, ac Universalis Ecclesiæ summo Pon-*  
*tifici Domino Reverendissimo.*

Recitatis hisce literis summus Pon-  
 tifex ad petitionem ab Oratore proposi-  
 tam hæc respondit:

„Singularem ac plane exultantem  
 „lætitiâ, quam ex faustissima charif-  
 „simi in Christo Filii Nostri Caroli in  
 „Romanorum Regem, & futurum  
 „Imperatorem electione jam pridem  
 „suscepimus, plurimum hodie auctam  
 „ac vere completam experimur ob præ-  
 „claras ejusdem Caroli Regis in Nos  
 „& hanc sanctam Sedem constantis  
 „fuzæ, ac filialis observantiæ signifi-  
 „cationes, quas abunde Nobis tam suis  
 „ad Nos datis literis reddi voluit, quam  
 „uberius a te, Nobilis Orator, expli-  
 „cari mandavit: ut certi scilicet magis,  
 „magisque esse possemus, Majestatem  
 „suam ab inclitis, & Augustis Majori-  
 „bus suis minime degenerem, ad om-  
 „nia, quæ obedientissimum, hujus  
 „sanctæ Romanæ Ecclesiæ Filium de-  
 „cent, quavis sibi data occasione accu-  
 „rate ac studiose præstanda semper fore  
 „paratissimam. Quam læta hæc Nobis,  
 „& grata acciderint, plane tibi persua-  
 „sum, atque exploratum esse non am-  
 „bigi-

Y y 2

„bigi-

Sæc. XVIII. „bigimus; scire tamen te voluimus eo  
A. C. 1714. „etiam Nomine acceptiora fuisse, quod  
 „Nobis a te declarata fuerint, cuius  
 „singulares dotes, ac eximia Decora  
 „Almæ huic Urbi nostræ apprime per-  
 „specta sunt, omnium ad se animos jam  
 „dudum allexerant, ita pontificiam no-  
 „stram benevolentiam imprimis merue-  
 „rant. Piissimi itaque Cæsaris ad Ca-  
 „tholicæ Religionis Patrocinium, ad  
 „Ecclesiæ incrementum, ad Apostolicæ  
 „Sedis tutelam tam magnifice exhibita  
 „officia grato animo excipimus: om-  
 „nia illi vicissim, quæ Romani Ponti-  
 „fices prædecessores nostri erga electos  
 „Romanorum Reges, seu Imperatores  
 „iuxta veterem ejusdem Sedis amorem  
 „peragere consueverant, cumulate ac  
 „plenissime reddituri; Nullum siquidem  
 „ab eo ex consuetis Pontificiæ largita-  
 „tis argumentis, quæ illius Majoribus  
 „delata fuerunt, desiderari patiemur;  
 „Deumque optimum Maximum interea  
 „rogabimus, ut cælesti sua ope dirigat  
 „semper optimi Principis gressus in  
 „viam salutis, & pacis, illiusque ani-  
 „mum ad ea perficienda, quæ læta Ec-  
 „clesiæ, læta Reipublicæ, læta itidem  
 „Apostolicæ Sedi esse possint, assidue  
 „magis inflamment &c. „